

cum ad ea spectent, quibus caro farcitur. Coloss. 2, 20. & seqq,

49. Quid? quod natura rerum adiaphorarum Cultus respectum penitus tollit. Neque enim cultus DEI unquam rei indifferentis & per se libera naturam obtinet, neque vice versa, res libera ac indifferens, cultus DEI (quippe absolute necessarius) per se ac immediate esse ac dici vel potest, vel debet: quantumvis ea cultui divino, & cultoribus ipsis preparandis serviat & ancilletur.

50. Est enim longe aliud & distinctum ipse cultus DEI, qui sine ceremoniarum istarum observatione nihilominus verè prestari potest: & aliud ac diversum, res ac Ceremonia externa, que ad cultum illum peragendum forinsecus ac sedit: ac proinde huic rei, illius nomen & appellatio competere nullo modo potest.

51. Regnum DEI, inquit Apostolus, non est esca & potus. Rom. 14. 17. neque venit cum observatione. Luc 17. 20. Sed est justitia, pax & gaudium Spiritus sancti.

52. Tertium vitium est Opinio meriti, quando nimirum statuitur, observatione istiusmodi traditionum expiari peccata, acquiri justitiam coram DEO valentem.

53. Corrumpi imò penitus everti hac opinione universam salutis & justitiæ nostræ doctrinam qua in sacris proponitur, per se satis est
manife-